

白  
華  
前  
稿

白華前雅卷第二十五

南涯

吳省欽

古今體詩槐唐集二

屠維大荒落

楚江曲

江波不西流月華不東去暮色紛徘徊揚輝兩何處憐  
君明月姿拾翠漢江湄無計要仙佩多愁改鬢絲瀟風  
儂船發瀟雨儂船歇望望岳陽樓君山青一髮流恨滿  
黃陵行人朝暮行明知行不得多謝鷓鴣聲

南庵

邨抱野橋橫雲含碧潭暮衆鳥歸不歸經聲隔深樹

瞿氏霆發廢宅

西堂東第抗雲烟百客盈門使令便空望烏頭歸舊國  
尙傳紅袖拂初筵霜浮埒迴鳴飛隲雨急沙崩拾破錢  
爲語彭仙莫相笑朝來犁斷隴頭甄

七星檜歌送人之常熟

巖壑晝冥冥道人坐鍊形道人騎龍入北斗到今殘蛻  
森七星七星老檜老無比風電搜山萬靈喜四檜化去  
三檜存魯殿巋然幾星紀經塔書臺爾並傳蕭梁遺蹟  
鎮千年石翁圖畫空殘卷眉老風流祇斷編涼雲濛濛

憺無極送君一挂琴河席勸君躡屐登石壇柏葉松身  
采長食

水車有序

斲木廣二尺長三四仞版齒齒歷其中將厚  
水則瀕水植兩杙杙下爲軸舉足激之水自  
齒逆流而上有牛者設機如大輪機隨牛運  
圓轉如飛其得水較捷按魏馬鈞作翻車令  
兒童轉之更入更出灌水自給東坡有詩來  
儀子有謠王半山所稱溝車亦此

東南首水利艱難在稼穡青陽土硯膏黃雲秋告麥綺

繡錯溝塍基枰界田陌冀免滲漏虞毋俾糞壅瘠戒備  
興農功輸灌孚坎德飭材屏瘠靡謀邑赴斤墨徵名車  
工疑藏器田峻懌德方用尚圓機順勢取逆渾淪圍牛  
腰破碎剔蛟脊卧爲龜重弁立作鼈九肋旣斲軒磊磊  
載脂鑿澤澤量其藪其同置之河之側百壑支要衝一  
軸立中樞錮金牽兮牢覆版鱗而赫旁爲華表形對若  
大軍壁衡木巧與安布肘益迺獲環環廻腸九洶洶距  
踊百警警哺噉如軋軋理縲或鶴倪尻益高駁注坂更  
直白龍劈峽飛赤鱗切雲厄前後互見隱上下遞騰踣  
滅木象非凶成渠期可克作苦傳謳音論功肇粒食耕

夫買耕牛舍南赴舍北池邊蔽角陽隰畔榛芳闢縹亭  
受回風旋磨踢陳跡踉蹌五藏翻飲降一簣斤亮哉爨  
薪勞允矣伐柯則民生勤不旣物理中必是絜絜告神  
庥含哺頌帝力成終妙悅克至道遂尸默幸同棧車休  
早謝飈輪激剪拂蒙沐頻擢舉爽塏卽宛然徐榻懸詎  
比秦碑泐瞻懷擬故劍運練異巨甕憂賦辨墳壤周令  
掌滋洫此堪民庸酬而忘機心賊谿確奪化工廚覓感  
形役乘載兼水泥圖狀及耕織輕軺采不遺風雅魏陵  
輶

故將

何苦別沙場封侯志慨慷繡沈刀背血雨簇陣頭瘡立  
馬高秦月號烏下楚霜似言諸部曲曾縛右賢王

轉藏寺

葉落野無路聞鐘叩門寒蠶投座緩凍竹埽牆昏禪  
理入三昧淨名忘一言開樓牀弄影冥冥暮歸邨

齋前二蟠槐有序

槐細長不能自立

見齊民要術

其蟠者蓋別種也

山塘花兒匠翦剔束縛以爲盆玩大者幹不  
過一圍於蟠訓曲伏太三義未見有合此殆  
當之矣以詩紀之

兩龍豢人不飛去牙角委蛻頭尾捐離奇鬱蟠閭真宰  
黑月曉墮風刁騷一株腹洞穴蛇鼠其一占斷鵲鵲巢  
百千萬枝勢錯迥綠糝無復連雲飄董董鶴蓋卓空立  
對對孔扇排仗交義娥側見半規漏霹靂時到三更燒  
不知誰何手親植懷人之義休騰嘲或云聞之高曾代  
歲隤久已森難翹或云神物老逾瘦五紀而近黃楊銷  
黃花黑葉種各異異軍特地蒼頭標屈盤萬態陰雖惡  
根蒂一氣纏偏牢入市諸生詫雙絕細長不立言真叟  
彼哉虎邱老花匠瓷斗結縛如焦僥爾槐爾槐作初祖  
遠駕蟠李板蟠桃啗然據犒慙暝坐吾將擲筆成歲鈔



白蓮潭寄趙璞雨 文哲 徐玉厓 長發

商音來颯如湖青  
廣川暮若若丹鳳樓靡靡白蓮渡嘉  
藻信孤芳修期曠良晤在水指一方  
不見君行處

顧繡麻姑

張銅濮竹登南產顧繡成名較可憐  
解向靈芸鬪針巧  
綠牕如水夢如烟

露香闌裏徑沿荒無復仙姬倚繡牀  
待攸清臣舊壇記  
唾絨小技已滄桑

冬夜泊黃浦

漁火落江星停燒  
傍釣罾沙昏前岸雪  
潮裂半湖冰  
鶴

影寒無次人烟淡幾層空江易惆悵判醉酒如泥

西子采蓮圖

四面芙蓉半面身錦帆風翦碧粼粼君王不信梧宮冷  
更有山頭采蕝人

采香歌斷舞衣翩鹿苑雞臺阿那邊纔是千絲收越網  
莫教認作五湖船

韓瓶行有序

瓶傳是韓蘄王犒軍時物今青浦居人間得  
之容酒三升養花或實追和方校官垂組作  
戈船如龍馬如蟻紅袍小兒淚花紫將軍建旗妻鼓桴

血飲春江半江水戰定功褒異姓王宸書直擬郭汾陽  
漫攜紅錦栽花窟每賜金蕉作壽觴二陵杜宇七陵樹  
拂衣潦倒騎驢去青龍江漲綠沄沄傳是將軍犒師處  
越窯祕色青琅玕歷碌軍持今姓韓居民不省興亡恨  
遺器時虞考擊殘當年幕下裝銅面輓槩椎牛耐苦戰  
酒樓佳釀號銀杓武庫長瓶盛玉練呀呬連營風雨騰  
謹呼遶座雲雷散卮酒承恩安足辭背寇力士例親隨  
木罌將畧承家好玉盃攢宮異代悲投醪萬口此同澤  
翠藻斑斕映顏色著錄休疑陸氏誣成歌要集方生益  
黃龍痛飲淚沾痕老卒蕭條空閉園挈瓶試插繁花暖

休說清涼居士孫

題曝書亭詩集

后稷王瓜屬對奇  
名家文字大家詩  
貪多愛俊尋常有  
合遣漁洋避鼓旂

韋布聯翩直講筵  
那知七品便歸田  
祕文墜簡蒐羅遍  
笑問何人作鄭箋

牲醪兩廡志難成  
剗襪牀東太俊生  
腸斷十三行字裏  
玉簫恩重玉釵輕

老去詩篇漫與吟  
吾鄉王叟早知音  
可憐七客寮中硯  
枉費歸愚點竄心

歸愚別裁集改玉帶  
生歌末句亦未工

上章敦牂

續夢中所得末句

酒罷三更月四更松堂老鼠悄無聲攬衾直闕萬峯路  
春雪欲消春水生

仇英號國夫人夜游圖

天寶繼治渝開元紅玉一環春有痕五家隊仗簇流水  
簪烏墮地香溫磨大秦大韓寵顧影八姨玉貌尤承恩  
等閑破損三百萬要使纏錦輝梨園禮於夜行大垂戒  
行路厭浥風義存平明待漏事猶可何至嬰步連朝昏  
九枝簇導夾城湧豈藉撤炬光煒煒合歡之堂若逆旅

夜以繼晝游誰門得毋白日照怵惴自擁火城朝至尊  
至尊此時伴私語尊樓枕被差無溫平安宵燧斷消息  
廿四郡惟顏平原蛾眉隨幸騎馬不污顏色污遊魂  
帷燈祕召抱長恨何獨照影遺女昆杜陵老人曲江岸  
近前欲看聲長吞畫工丹碧妙申鑒如秉燭圖圖阿瞞  
試尋西內及南內華月苦照倉根根

詠梁武帝

舍身成佛願分明八十君王喪國輕進醢抽刀前事慘  
一生修到餓臺城

牓港

大浦來坤隅一折偃金玦巨港東導之長鯨怒相掣海  
潮挾沙行一潮滯一肩一屈三蟄期高竝兩塘埒詎惟  
艣竅膠更使旱田裂往時建牖議呼籲走穉耄議亦不  
果行地勢要究詰奔潮落復長是港控其闕牖築潮愈  
奔潮關牖亦崢陡門高我栽下水復凌瞥招招多野航  
誠恐爲魚鼈鳩工代振貧及冬計非民然而吏與胥因  
緣恣欺竊議浴必議深庶幾資蓄泄有懷鄭白渠利賴  
紹前哲

田家雜詩

疎邨罕面勢環流覆茅宇東家開西鄰聊用蔽風雨雜

樹翳淩灣壤橋隔蔬圃池塘三尺深差足飲水牯昨歲  
告有秋婦子獲安處兵盜久不知方社得吾所肉帛所  
緩圖何事入城府

野人競心計瑣瑣惟雞豚有雞棲以桀有豚圈以樊中  
田揚秕糠各各勞其筋暴殄良可惜粗糲將誰陳庶幾  
豢六畜歲宴佐盤飧舍翁戒妄殺正咨詔兒孫上言師  
儉德下言養福原今吾尚善飯畜此娛舅賓

昧旦徂東舍鳴雅肅高柳須臾海日升耕作及半畝此  
時城市人牀席夢相守民生嗟在勤蒲襪蔽身首豈曰  
無裳衣什襲免滋垢農家習勞動而無汗浹否不計物



力艱卒歲將何有

山家謝肉食菜羹可代之勿言學圃小聖門嘗請爲菜  
花旣爛爛瓜壺亦離離荷鋤去非種厥種始含滋稍乘  
農務間編竹成短籬因以限雞犬蕪穢無勿治種麻溫  
作紵種豈然乃其晚來息羣動魂夢何熙熙服疇少棄  
土儉歲吾無飢

周浦塘

古木陰陰沸暮蜩初秧接畛綠痕搖白鷗一隻水天遠  
野寺晚風人候潮

曉登馬鞍山

曉出秦鹿城竹霧滴襟帶溘溘卽冒烟澁澁路交瀨遊  
衍神素怡攀躋步微礙樵行徑輒歧鳥夢樹猶蒼稍遠  
下方居漸接上清界文竿標厓間殷鐘激天外談笑王  
孫窺揖讓道人怪牕中靈巖雲杖底婁江派越嶺窮瑰  
奇赴谷討茫晦竇乳闕璘儀石耳秀締繪云與鳥目迤  
亮茲眞宰猶永懷金粟堆側想鐵笛籟入林昔已酬栖  
巖今罔艾薄午徐盤旋浩然發長喟

畫幅雜題

照眼春姿錦繡堆花奴抱鼓進徘徊廣平相業無人繼

祇記青山白雨來

唐寅明  
皇朝啟

烏帽輕紗點筆新羣花如綺月如銀後生莫笑韓家格

曾是元和諷諭人

仇英韓  
姬夜宴

素車白馬曲江秋潮去潮來不自由犀髻三千身手好

可曾一射汴河流

趙左曲  
江觀濤

若邪谿上櫻桃館雙絕書詩畫較低留得一枝上林種

好風吹作凍頗黎

徐渭水  
墨蒲萄

阿龍才調剋黔陬滿目荆蕪對楚囚九畹風流易蕉萃

數莖瑤草不知秋

楊文驄  
墨蘭

文郎家世停雲館蔚興爲圖不了山更愛清吟替招隱

江頭春水潄灣灣

文點春  
江小景

柳渚茅堂結構清老年題款字縱橫三生若論邢和璞

更是華亭乙卯生

查士標幽  
駱小築

春黃紅透碧牕紗試拗西天稱意花見說鏡臺埽眉女

更將尺素染鉛華

幙壽平寫  
生折枝

隴西才地兩門優朔馬南禽字字愁一上河梁便揮手

子卿歸國少卿留

謝彬河  
梁訥別

月暗花明鴛寺開提鞬剗羈畏人猜誰知汴邸朝天後

更被君王強幸來

陳枚小  
周刻羈

畫中九友音塵逝賴有西亭一脈傳彷彿置身吾谷底

碧山紅樹打魚船

楊鶴秋  
江漁隱

金山

芙蓉挺滄洲涉江渺遐寄岩亭撐一峯到眼四無地游  
雲來南條上與孤巒被沈沈洞壑暝殷殷鼓鐘闕有時  
初陽開金碧耀孔翠其束鐵甕城女真昔窺伺下厓奮  
一跳南渡識天意洪流鎖銀焦更挾建瓴利作勢吞長  
天吐納眩方位真爲鼇背行高標獻川媚解帶緬詞鋒  
品泉憶水遞來遊帝所嘉寶氣涌神異江靜天益蒼  
蛟鼉影潛避浴燕起差池因風暮投寺

曉登雞鳴山

竺簷一尺灑蒼雨寥風入松暗相語羈心永夜化山心

不待雞鳴手先舞風雷闕寂天闕森龍虎鬱盤地維舉  
西連二冶東三茅一氣皇州緬今古是時日輪升赤霞  
天塹長流碎金縷須臾元武開湖波倒卷空青寫眉嫵  
經師曾此開講堂何代報功奠祠宇零榛敗瓦都不存  
何況齊宮舊基土何當置酒臨高臺留看寒芒夜亭午

送人入楚

鶴警不成寐浩然懷遠征漁歌彭蠡岸市火漢陽城別  
酒將宵盡寒潮候月平流觀歲時記孤館若爲情

柳口

漁舍田莊入望孤琉璃千頃界菰蒲一聲沙鳥背人去

西日半竿黃滿湖

集一枝書屋聽閔貧谷琴

主人結客懽未央銅琶箏笛出定場  
答臘都曇更嘈雜酒痕狼籍沾華裳  
孤生忽忽遠人境冷露無聲楚山靜  
倚桐三尺徽黃金一絃一撥清一心九疑高高蒼梧陰  
嬋娟帝子遺好音琤潺古磻浮以沈斷援噉噉淒淒暮吟  
幾家思婦鳴杵碓勞人中夜起太息清廟明堂彈不極  
豈少朱絃叶雅音長使夫君淚橫臆穆如拂袖風飄南  
三月二月花香含平林亂囀羣鶯酣鏘鏘鸞鳳重霄膠  
油然窅然寄淳泊大適如味和羹甘琴兮琴兮余觸棖

一重一掩傳中聲但使淫哇砭俗耳不妨歡戚移真情  
酒闌客罷琴亦止繁星在天月在水若非房尉董庭蘭  
便是醉翁沈夫子

贈書賈余振玉并訊趙璞函張少華

熙純

結繩易書契遂古開天苞擣紙代漆簡遺編傳互鈔石  
經重漢代棗木版未鋤鄉非邈信烈斯文奚由昭殺青  
嗣益廣宋刻珍瑛瑤建陽麻沙鎮字體三真描吳蜀競  
模倣入肆千金梢坊間陳解元刮剗時親操淵宏南國  
紀煥發北斗杓甲乙丙丁部書庫分其曹歲遠愈紛積  
僞體何嘈嘈通儒撥菁英俗學鋪醢糟鬼物眩黎邱神



怪矜諾皋作史祖繆種述經忘淳熬虞初九百家翠羽  
翔蘭茗播傳日以易魚豕日以吮我朝右文治殿本  
精釐毫黃河源湔泱太華峯鬱巽妙墨出官局豈數琴  
川毛余君隨若考僑室駝駝橋居然水仙人圖籍盈一  
舸舫舳涉東浦剝啄蓬關敲吐屬類馴雅何必非同袍  
篋中兩三種心癢經爬搔典衣訪奇書放翁實矢嚆粵  
在童少瑜粥書吳越交光景希歸錢健筆相久要君無  
澤古力而獲時賢褒流觀詩書氣差足回煩囂吾徒若  
張趙嗜學忘愁牢朝成百首賦夕傾一石醪化身作規  
髮映月纖痕高

柘林感何元朗

茅檐聞犬吠移觴避谿橋  
素積荒林雪青浮古岸潮  
歲華流在冉時譽委飄蕭  
一代清森閣何人賦大招

松隱晚泊

赤松竟仙去藥竈曠無存  
人影白沙渡烏啼黃葉邨  
遺祠闔伏臘孤艇促壺尊  
矯首月生浦農家多掩門

松閣

高館生晝涼碧陰散流水  
疎雨落松花疎風落松子

雪夜寄李知白

世望

齋居遺世喧急雪響籬舍  
樵路曠以希流輝淡無夜懷

君眞朗如獨對寒山下

古今體詩編臬集一

重光協洽

兩謁省門輒吟歸燕擁褐之賤本無惜焉辛未歲  
潛及孤露幾不能自存其明年季父應同年生九  
江佐樞之招從之西上以謀將母漢書注褐編臬  
衣也麻有子曰臬誌賤宜褐銜恤宜臬覽者幸毋  
以喪語不文斥之

覽懷十一首

勞生日袞袞灑掃維民章將以檢積放庶幾君子堂遐

哉郭有道行宿每親將詰朝整巾去見者生輝光亦越  
第五倫囊除及客程奈何卅角年恭然爲一荒相士必  
於微先民有周行

爲文宜識字音響結斷鬪二百六部分涇渭自各各何  
年妄男子并部翳眼膜汁均不復調四聲付穿鑿六季  
碑版興形體費淘模奚啻魯魚訛安見蠱蛇握作俑聖  
所懲末減慎極與鐸王嗟嗟莽大夫好奇竟投閣

秦皇祠八神天主居臨菑三千童男女入海竝出齊金  
銀好宮闕天氣漂不歸得毋入瑣里子孫尸祝之一自  
海市通洋船乘風來戒行本荒怪膜拜頗蕃滋豈知日

本人鑄象高崔巍千秋屏勝下天主夫何爲

分縣近二紀決科習藝側聞青鳥言形勝期稍稍傑  
閣僚蒼龍斗魁廻四照塑形錯金采工作恣騰越六星  
聯夜珠倬彼文星曜亦復象以神辨香奉虔告何如桑  
栗主觀聽血清廟廟亦不果成士亦不難造佼佼漢文  
翁治蜀首學校

校官七八品師道嚴且尊雖復以貴進寧與纖兒倫大  
吏行自東車騎隨蹠蹠何哉黃髮叟而伏河陽塵一麾  
不復顧召侮良有因將軍有揖客詎以宣驕論

東漢厲風節士氣伸霓虹我懷復社賢著錄棟可充愛

人愛其烏臭味薰藉同瀛州十八士乃及高陽公一悖  
黨元祐穹碑聲隆隆藝麻旦數畝中有孤生蓬

漢儒年三十承學立五經三年通一藝白首期有成後  
賢挾碎義叩鐘持寸莛蔑古雜踏駁守墨鮮發明尚書  
或點竄雅頌還紛更是何膽氣絲居然昭汗青 國朝  
起羣彥東井聚五星西河大毛公隻手芟岐芳殘膏及  
後進猶若五侯鯖詆譏勿已甚激濁揚其漚

淵明曠達士骯髒詠荆卿不有下瀝田能無乞食行諸  
葛矢淡泊小小南陽耕成都八百桑所志猶硜硜相古  
有遺訓學者急治生旣以附仁義兼之保潔貞龍門傳

貨殖千載嗟同情

雞鳴起盥櫛子婦禮不殊遺經久湮沒良士心蹶如朝  
食詣前邨一叟蒼眉鬢自言齒杖國貼席魂夢疎披衣  
誦梵夾婦徑仍徐徐吾衰克振奮小輩方栩栩雖云夏  
夕短情氣宜漸除聞聲結紳佩日月如隙駒

吾家有季子挂劍徐君墓墓草青復青稜莖出新鑄吾  
觀勢利交溫涼變朝暮欲廣絕交篇藏身恐不恕君子  
慎始終藹然眷親故

戶口日以聚度支日以繁舉家不宿飽營致爲美觀國  
奢則示儉微管孰糾彈道逢倡優子裘馬光爛爛二氏

蕃有徒緇衣而黃冠同爲太平民不省稼穡艱我懷元  
二交斗粟直百錢穀貴農轉傷誰復知其然此輩若秕  
莠盍驅歸田間一以息游手一以絕養奸

題吳漢槎秋笳集

江左翩飛一鳳凰朝隨計吏夕圍將金雞論滅冰天戍  
白草看飛暑月霜練筆上千空照耀玉門晚入轉蒼涼  
秋笳一曲千金直何必文姬始斷腸

腳痛

插腳人海中堀堞溷寒暑著力吉取升積氣害成蠱墳  
起詫中堅臃腫慮外腐一指罪是魁駢枝虐斯輔蹢躅



牆必循盤躡杖交拄其疾非不脛其大或如股折旋謝  
未遑曲角痛安處此生骸有百尤重官維五趾方配顧  
圓足踵等手舞款戶是以披尋山健乃舉已忘回翔樂  
始識局促苦塊獨等虞夔旅百慕商鉅顧盼陽秋成調  
笑神鬼侮惟有下堂人耿耿寸心撫

送別

暗柳疎花渌滿灣蘭橈一去幾時還客途歲月流如水  
願放疎狂莫放閑

吾邨有王副使

圻

石刻十八跋蘭亭近歸灣洲

周東藩魯先子填金縷曲紀之感題拓本

玉枕昭陵渺斷烟肥環瘦燕關嬋娟須知承旨題名處  
不減難兄落水年

澠城文獻洪洲老重考偏傍費剔搜購到鶴沙知幾代

租船連夜達齊灘

周得之下沙土氏王權人之覺也以夜運去

翠壘凋零手澤殘琴南硯北牕追驩摩挲似發陶公感  
墓柏蕭蕭拱石壇

### 官絳夫

馬悠悠車班班陸程緊水程寬絳夫牽船如蟻攢祇憂  
飢勿憂寒流汗浹背風吹乾風利腰挺挺風逆腰環環  
官人坐船代鼙鼓疾行貸汝緩鞭汝纔送前官迎後官

官人猶說坐船苦

西漢

寥寥遠岸風淅淅半帆雨漁釣不逢人鷓鴣隔沙語

雪後

敗葦枯荷一棹依幽人乘興未言歸草亭寥寥落竹橋斷  
鷓鴣滿灘寒不飛

硯屏有序

石農糊紙爲矮屏以燈下障硯俗所謂廻光  
也坡谷及查悔餘集皆有硯屏詩屠長卿文  
房箋亦有此皆小異

朝天下上巖斑暈辨千族論價擬兼金比德在潤玉一  
勺方池潯百園薄田熟塗蠟工所誇障塵童乃督有友  
營慘澹及冬忘厥瘡取材速故紙致用側敗簾通透壁  
月裁縱橫屏風縮壁立成角圭木強轉承山疎疎絺縵  
蒙皜皜粟薪煇肖宮扇摺疊晒雲錦堆簇浮思巧手疑  
交光小兒欲中宵下壺漏殘燄暗膏沐求明短檠偕養  
晦橫几畜亂書課累寸妙楷寫聯幅蟾蜍滴竝珍珠  
匣詎嚮寄言面北朋守此足醫俗

白華前稿卷第二十六

南匯 吳省欽 沖之

古今體詩編臬集二

元默涪灘

題松石寫真

人靜山更寒  
秋影墮叢碧  
長松蒼然陰  
宿露晝猶滴  
嘉我襟抱閑  
欹坐拂瑤席  
揮絃見鴻飛  
抗策逐麇迹  
清磬澗  
泠泠鳴華薄  
霏霏積回首  
衣上塵殷遙  
萬峯隔林香  
淡自永禪悅  
趣彌適願言  
偕素心風詠  
踐泉石

將之九江三首

香殘酒冷告靈牀豈意麻衣走四方避債臺敲平劍與  
儲書館少提刀將祖宗延澤希南巷弟妹關心累北堂  
等是截裾天性忍不堪負米隔千鄉

就勒神駒骨格奇立錐懸釜爾應知童蒙尚料師能授  
我往終緣叔未癡書付洪喬宜檢點訓傳師古耐尋披  
同牀風雨三年久算到來秋祇暫離

負土精神救水心姑嫜未拜力先任貧家三世皆秦贅  
病客千程自越吟獻馘定隨朝勛便寄衣多累夜燈沈  
秦嘉上計吾何有腸斷江迴九曲深

閒隨沙店行水木美無度  
灣灣跨短竹鬱鬱翳高樹  
莎岸號蜉蝣藻流浴鷺鷥  
誰知近市居頗擅滄洲趣  
行邁匪自今華年不如故  
三嘆對靈巖徘徊遠鐘鼓

龍江弔張羽

羽居湖之潯陽入九江志誤

一櫂凌風去巖關訊客裝  
以予長寂寂對此益茫茫  
談藝儕三傑招魂失九章  
分明錦袍月流恨照潯陽

野泊

山雲載瀟雨孤青暗蓬背  
何鳥影脩脩銜魚上沙埭

題巴斗船

北馬馳廣原南帆挂大澤  
滔滔江漢紀汎汎烟波宅  
剗

木占作舟刈蘆許結席非篆巴字形詎準斗樞極巧從  
知者泐寵若嘉名錫繪采慳龍文具體肖龜脊過雨曬  
青蓑候風插文翟船頭打篙譁船尾行廚僻振舵淺閣  
沙弄槳晚趁汐溯游盡蘇杭溯洄向荆益關門算幾緡  
縣庭印累冊樓起舵師尊汰倚榜人擊疲數苦霜嚴整  
黑信日炙午聞隔膊起旋聽鼓鉦迫錢刀計艚償食貨  
堆蓬積加餐頓頓傳衆咻誦誦譯飲福拜金龍擊鮮鬲  
銀鯽程路驗津亭聲氣藉鄰船脰語乏船孃薄酒泥估  
客無照夜華燈撤當門榮戟百丈牽長虹一帆凌健翮  
喜卜卯色晴讐遇石郵逆局促嘲蝸廬樓遲誦雞棚賦



食聊淹旬圖史共向夕精多用自宏內廣外從窄是爲  
不繫船僂佯任吾適

天門山

天門斷楚天娟娟秀江表如見謫仙人蛾眉青未了

月下泊采石

牛渚如九月流光滿太虛孤舟發高咏跌宕興何如水  
鶴寒將子山楓葉覆廬星星渡江火良夜渺愁予

天上光明錦分輝自蜀川待攜津吏去同上酒樓偏蕭  
瑟青山夢清華白也篇身名長已矣痛飲卽飛仙

昔遊靈谷寺瑣甲挂秋風茲夕鳥啼苦終憐血戰功微

颿激鯨浪遠照暗難籠亦有書生業吾思虞雍公

再宿牛渚

然犀渡頭咽殘角水底吟龍浪洶惡白紵衣單歌不成  
清漏疎鐘夜重泊謝鎮西後李青蓮江霧淒迷江月圓  
扁舟欲望橫江館知在青山何處邊

檣之末有穴洞然運以鹿盧使帆乃捷江行見  
緣檣直上以理糾結者書示一首

我幾千斛舟風檣走寥廓效命指臂間中有青絲絳檣  
爲帆之幹絳乃帆之絳穿穴檣之巔絳乃得所託有時  
泊而勞帆勢失槃礴欲張旣難張欲落更難落性命寄

三版戒心戰斷齟南人好身手使船倍矍鑠作氣繼而  
登趨健勝獾獾跛跛上重霄搖搖蕩兩腳快宜并刀剪  
密用桑土縛俾如虞機然亦與力樞若木處偏不顛翻  
身汗揮霍舉舟賀出險歌呼進絃酌在甚君勿忘此言  
義可拓

九華進香詞

蓮花濯濯九枝開一朵蓮花醉百回吾愛九華看山去  
人愛九華進香來

毘盧臺殿曉朝真地藏金身是肉身僧父癡兒談掌故  
東牕還睡姓秦人

香爐峯頭香霧縈  
蠟燭峯頭蠟淚傾  
如此香烟天付與  
葛仙枉占杏山名

風餐雲卧促歸船  
漸近楓彫稻熟天  
李翰林祠間仙墓  
更無人費辦香錢

江霽

天意憐庾麥狂霖  
喜昨收斷雲秋浦  
樹斜日漢陽舟邨  
火烟初上林鐘響  
漸流還防梅子雨  
珍重減征裘

銅陵晚泊

朝披穀谿雲暮宿  
梅根樹隱隱六朝  
僧打包立前渡

馬鬪磯

放船烏沙夾打頭當南風閉置如三日新婦那不狂歌  
岸幘抑塞磊落開心胃漁庵一隻頗解事指點威紆曉  
嶠不可縱步之蹊術令吾北折而來東紫雪飛蓬蓬藤  
蘿倒挂千蛇龍黃石堆隆隆鞭箠不動千巖熊不恨山  
巔山麓少箇紅泥亭子歇兩腳恨不能掠波插羽直上  
大龍山頂回望南徐北豫千里萬里青濛濛君不見太  
子磯兀當中涼颼畫卷雲旗重又不見羅剎磯兀當空  
清霜夜吼豐山鐘此方說鬼尚荒誕何怪馬蹟散漫咄  
咄傳關公南望咫尺侍中衣冠墓忽感草除遺恨欲招  
鶴駕翩來逢

劉婆磯

江靜暗菰蒲磯回卸帆布垂別九芙蓉人語橫陽渡

李陽河太子閣用壁間蒲圻李

標韻俗祀鄭陀太子康熙

間何經南碑辨爲昭明之誤旁祀屈原爲水府神

舟行隨去鳬斷浦沒荒汭齧腳蹴浪迴歌脊插空架堂  
哉黃瓦居黑風吹不仰辟邪當石扉三塗淨如硯頗晒  
百牛眠更笑五須霸扈從尤荒唐蒼紅眩廟舍或擬元  
弋矛或縱青冥靶或校鳴葭喧或插珠翹妬血食終不  
祧搜神洵堪詫於惟監撫人仁德歷山亞卽以才譽論  
著述邁顏謝選樓雖已空高齋孰能駕其旁祠水仙勝

題圻天鱗生乃悴湘中沒乃寄廡下屈宋作衙官昭明  
應嗟訝隄側荃蕙芬黥黥彭咸夜相與往復還想當整  
以暇好怪不求端淫祀實憑藉我來閣上行極目恣凌  
跨襟前皖口浮盃底海門瀉椎冀衆頑變而使結習化  
一髮秀山青誅茅待銷夏

### 小孤山

大孤象如履小孤象如髻銀盤捧青螺一語括遊記彼  
岸麗松滋何年嘆淪泗我呼櫂頭船衣袖撲春翠三隅  
斗入江一隅綴循次洞門闔然開正值野猿絕前趾踟  
後頂恐恐肖狼薨盤盤逼蝸角著腳下無地天關看誅

蕩坤軸詫凌替砥柱斷衆流怒潮斂斯避維神好樓居  
百靈盛羅衛乘凌飛廉風慘愴里巫祭鸕鷀千百羣半  
山來矚翅將集復將翔駭此龍骨蛻下山戒舟航上山  
慎唾涕隔江澎浪磯無路附齊贅牛後視金焦江空鶴  
傳唳

射蛟浦

元狩年傳舉封禪樓船穩勝六龍車江連九派生潮緩  
岳視三公望祭虛夏后濟川狎枯蠙秦皇入海詫神魚  
鼎湖他日扳髯遠玉盃通天恨有餘

湖口見月



彭蠡春秋雁潯陽上下潮迴腸對江影古月滿清宵五  
老碧雲外微茫如我招關河有羌笛夜夜旅魂銷

### 石鐘山

蒲牢昨走荒江東鐘師狡獪化石公怒流激石肖蚪蛙  
追而巧出攻金工一鐘各抱一材分兩崖南北誰雌雄  
夜壺無主水怪逞健兒身手交擊春廣奏或入鈞天夢  
張樂或自軒轅宮上鐘下鐘距百步所清越無勿同  
其聲瓏璁狀鏤透如篆鳥跡雕秋蟲道元遺注縱寥簡  
老坡詭駁辭先窮周益羅念庵二記僅和事此理難信歸  
鴻濛吁嗟此鐘非有鐘風水相搏兼鬪風審音牙曠逝

千載空抱勝具停園蓬吾疑左蠡逞狂怒天遣鳬氏當  
其衝非惟聲似亦形似爲發歟妙昭前壘石公凝睇不  
我答忽聽昏寺撞枯桐

鎮江樓

岩巖飛觀鬱重重遠背巖城削一峰古道風烟盤老鶴  
唐名危磯川浪激迴龍名磯九江雲物迎船見五祖嵐光上  
坐逢此地吳頭連楚尾登高巔覆酒千鍾

靖節祠

先生晉徵士史筆一辭贊夷齊與魯連千古義同買方  
其恥折腰幡然去鄉縣寄奴將竊鉤雨雪先集霰苦心

洞事幾希迹在疎散不知秦漢後庶幾羲皇兒眉因慧  
遠攢論待光祿譔栽栽栗里邨祠堂毀兵燹東軒蕪蔓  
滋北牖蠅蝥冒豈無耕作人此牛出深堰積廢時固遷  
冲夷性頗繕掇荆蘘清英悠悠表禪薦

送秋和韻

錦瑟華年續續移參天秋老迴含悲洞庭落木人千里  
汾水哀蟬彼一時秫米待浮香澹沲荻花愁對影迷離  
琴牀三昧吾何有遙訴飛鴻寄所思

縹渺涼生寂寞居柔腸無那恰歸興才人福分逢廝養  
名士聲華廁鯽魚執扇風前誰棄爾匏瓜天上曩愁予

高樓切漢延清眺搖落江潭舊草廬

銀缸抱影數寒鐘敗絮殘釭逼早冬白雁幾時辭楚塞  
青楓何處落吳淞婆娑庾信園中感顚顚潘安鏡裏容  
惱亂潯陽送行夜琵琶聲斷不相逢

琵琶亭重謁白少傅象

昨攜瘦藤訪幽墅山亭水柳春枝妍十千沽酒共拚醉  
催歸往往聞杜鵑黃鸝白日唱幾度荻花打冷瓜皮船  
鴝鵒呼風浩將淘蟋蟀聒暮悽不眠因思謫官類行客  
百憂多爲商聲煎元和才子太原望手排闥闥嚴鷹鷂  
作詩賞花玩新井鑠金口衆紛黃綠青鸞銀羽固時有

八州司馬誰愚賢桂竹白蓮發三詠湊滿朗晦參四禪  
草堂新置足泉樹出官在郡胥恬然何時青衫透紅淚  
穆曹遺調生鵲絃願領靈均怨湘澤鰲牙漫叟吟灤川  
惟公性情嗜澄淡直替左司香凝烟雜嘈掩抑起清夜  
陋儒尋摘徒菱菱豈無汕闌與文甃所嗟陵谷終變遷  
茵蚌廩提失九派香鑪雙劍荒層巘祇餘大江繞亭下  
浴鳧飛鷺爭聯翩鄧樹蒼蒼布帆出吳山的的浮圖懸  
屏風圖畫雖不見肅拜應鑒谿毛虔不見宋均陶潛兀  
遺廟蓬蒿滿地遊豚豕

江州懷古

關虎爭龍此上游重關烟火萬家浮山橫庾嶺歸廬阜  
水納荆門到石頭戲下點從營舊國塵中元舅嘯高樓  
盈尊桑落尋常有風月窩邊祇益愁

楚望悠悠照眼明寒濤底事怒難平荒門松菊深秋色  
極浦琵琶清夜聲渡虎一時頌遺愛沙蟲幾代泣殘兵  
東林坐聽微鐘起擬向高賢乞淨名

古今體詩湓浦集

昭陽作噩

九江志以昔人洗銅盆於水爲龍攬因名湓浦殆  
不考何晏所云水出青湓山有非形如盆因名湓

水其城爲湓城江爲湓江也水在城外雖入江而  
不得名湓江予嘗以悔餘編修身入郡齋而集名  
湓浦爲失實淹留之次其名當爲我設云

琵琶亭小集

一曲一銷魂遼遼野渡昏綠腰鳴夜色白髮省前恩彼  
美逢謠詠爲亭倚水邨不堪春日遠洒淚弔湘沅

夕浪急湓浦蘆中人語深分明柳枝唱寂歷杜蘅心宋  
玉流風近匡君結秀陰吾儕少新體何以度東林

少傅今安往龍香怨杳冥波吞彭蠡白雲吐道場青微  
尚寄歌詠分曹兼醉醒草堂如有約對影問山靈

入廬山九峯寺

廬山九疊雲錦張，滅沒倒影難具詳。  
九峯削成巍具體，旁支插起南斗旁。  
幾節瘦筇手扶去，滿身浸透雲中央。  
仙之人兮青瞳方，導我附葛捫薜裳。  
谿聲潺潺瀉珠玉，樹聲淅淅鳴松篁。  
湖如圓冰江如帶，俛視下界空青蒼。  
羊腸詰屈轉蕭寺，珠閣香臺亂無次。  
何限淵明入社心，幾時新建摩厓字。  
將軍休夏何悠哉，乾隆初岳公鍾琪于寺休夏將  
軍一去猿鶴哀。我旣無桑苧品茶九龍之逸興，我亦無  
青蓮改題九子之奇才。願得買田十雙，此間住坐。斥吾  
州九點爲童孩，僧樓無寐經火紅。期發二寺林西東，天



池高處更插腳回頭細望交鴻濛

九峯四詠

道人擲枯筇兩派導素湍投石聲洞然可是廣長舌

右天花井

大秦一神獸成峯因結庵開門見虎跡不礙師王參

右獅子庵

石齒齧飛泉霏霏卷晴雪能使俗駕迴洗耳老巖穴

右馬尾泉

成梁跨幽壑無我纂裳袂欲別柴桑子臨風一軒渠

右清奉橋

雨後山亭觀泉

石潭吐新水十里汎風絃抱膝孤亭上遙吟幾疊泉宿  
雲留鳥夢溼翠變僧烟聞有鹿來飲幽期無夜眠

下九峯作

香林曉餐罷徒御每敦促重巖晦陽景巾屨襲稠綠定  
僧過橋送亂泉漫林麓飛鼠紛竄松怪鳥悄投谷故蹊  
歸已迷清暉賞難足白雲迴合處縣燈昨曾宿良久見  
孤烟不知誰卜築蘿徑多遺薪青靄入寒竹山泥過新  
雨行跡辨黃犢清暇生道心蒼茫眷塵服歸及起昏鐘  
沈綿悵幽獨

夕

夕蟬發高響雨止月流波不有彈琴侶其如把盞何暗  
塵澹花藥清影湛星河漁父今無寐橫谿續斷歌

觀景德鎮所造內窯瓷器

鄱湖鬼吐青紅烟火龍十里無停鞭百蟲將軍告薪盡  
多錢巨賈徠鳴鉉街衢洞達萬家聚人不得顧車難還  
人間伎巧繫天象茲直熒惑星文懸居民燒瓷謝龐雜  
瓷其禾菽窯其田龍鸞花果闢新樣內窯入手尤精專  
叢祠遍迎春秋社桑土羣題風火仙維國六職工居一  
埏埴製僅同杯棬越窯奪翠昉唐代燒進遂著婆留錢

十三州割據猶爾矧乃趙宋金甌全官哥汝約定繼起  
到今應換車渠千有明作者論時會景陵茂陵歸我妍  
鬪雞缸教白波卷鬪蟀盆候金風旋候家廟市間有此  
萊陽粉盃吟爭傳方今

聖德邁三五豈數衣阜焚

裴賢汝鍾稽首匠心巧聊以官守申卷卷白芨斷紋妙  
鉤鎖青天缺雲映嬋嬋就中慎選當方物包圍藉用兜  
羅綿其餘入肆尚高價合貯廣夏鋪細旃我稽五行演  
疇範生於其地良弗遷瑤流祇挹浮梁水青料還購金  
華巔祁門採石擣泥細淳邛披沙結胎堅伐毛洗髓理  
太酷如人去滓來虛元入窯而還善千變火候那許毫

釐偏又如學士造道法惡火慢火心頭然遂令法物照  
青眼赤手扶出璫枝鮮 盛朝釀化浹區宇日月融龔  
歸陶甄異物不貴貴用物苦窳間作非勤宜禮云考工  
易尚象將偕匏器郊格天如珍商瑚寶軒鼎金石貞吉  
隨摩編

旅夕

罷琴愴無豫單絺振新沐稍稍東月生綠蘿汎清渙元  
化時不居參商念骨肉迢迢鐘梵裏掩戶空城曲

趙伯駒海山樓閣圖

天蒼蒼海茫茫海與天共天更長天門縹渺海門黑非

烟非霧交十光七十二候潮沸鬱三百六度星開張維  
蛟有室龍有堂有三神居難或望候焉陰雲勢解駁義  
和擁日鞭雷硯天雞無聲大荒白千山萬山沈丹黃龍  
葱綺樹碧城外紉縵霞錦朱厓旁果然風俗似吳下人  
民城郭嬰膺陽吾想仙家好離別乘蹻而去尋樂方琪  
花如掌肉芝秀冰齒一一斟金漿招要仙官話仙界瑤  
瑟一響心房皇天風飄飄吹我裳我有靈獸身白章還  
愁黑罡起中夜影沙磬石爭狂勸伯駒筆力千鈞强淋  
漓元氣驚望洋赤縣神州九之一鄒衍語豈真荒唐忽  
思厓山晦風雨卷圖長望嗟滄桑

聽李上舍乘桓簫

靜者能銷夏憑闌撫洞簫丹樓激清籟鸞鶴下飄飄往  
在華亭谷相思一水遙一珪涼月影捉塵待深宵

蘆洲

海縣紛奪沙江縣紛奪洲洲中蘆可薪衣食民所鳩五  
年一踣勘坍長上兩不猶准長難准坍各各滋營謀其  
長若添綫其坍若減渥失勢遽崩塌鮫鱷喧深湫其甲  
報坍去其乙報長留其丙亦報長蘆課官可收有課無  
有蘆許訟死不休連年走對簿破產供贓賊得洲固可  
喜洲坍還可憂不如姑置之忘機隨白鷗漁家賦漁課

漁樂君知不

小孤山神女曲

綠水琤琮響珮環綠雲髮髻綰烟鬟春風不共彭郎語  
盡日凝妝對鏡山

東流太白樓

鬟溯采石磯磯上飛岑樓千秋白也風歲月候我道揮  
手不一顧烏帽風颭颭今乘下水船計日將池州蒲帆  
化六鵝退飛成淹留菊所翳寒蕪書堂埋平邱古人不  
可作懷古欽前修嗟嗟太白星熊熊當我頭有亭繚而  
曲循寮隨所投丹漆剝栗主一笑舉簾鉤大名垂供奉



果然無繆悠或疑謫仙人神龍升潛湫青山二匡間閱  
世同蚍蜉一樓芥劫耳寧戀茲城陬我意竊不然遺詩  
可踵求萬里長風沙註謂界東流其下卽雁沒隔岸爲  
蓮州夜郎還當塗取道斯必由今復興不淺可詩可酒  
甌千指撈螺鰕一笛騰蛟虬空江挂練影遠岸傳華謳  
俛瞰水鳥浴仰視翔雲浮九子山一卷七里湖一漚神  
境無久住風健孤帆抽

雨過池州寄唐丈肯齋

承華學舍

玉鏡潭邊點雨麓卸帆亭外酒帘孤縱然學舍如舟小  
免對昏林聽鷓鴣

金陵復之九江別故園諸子

衰蘭秀竹掩江關  
我去君歸慘別顏  
重爲琵琶溯湓浦  
石城回首是家山

江館答璞函玉厓薛少文

龍光送行之作

予遊灌嬰城緇塵積行理  
蘅皋辱妍唱夕日淨微滓  
有翩飛鳥還思君末由已  
一縷似江雲時滅復時起

觀孔雀開屏

大星歷歷小星綬丹砂炯碎金  
丸竄龍馬圖標太極勾  
霓裳月迸中秋爛絢采明霞無定形  
飛鳴頓蹈自矜竦  
何來天上眞妃扇  
可是人間帝主屏  
離離轉訝春花落

曉寒淅淅晚寒惡氣候私憐北到非低徊似訴南歸樂  
瓊樹瑤林失故枝枇杷花下夢歲華高飛黃鶴無奇彩  
嗟爾家禽那得知

黃荃有孔雀枇杷圖

贈別南康黃巨楠家棟

同向天涯惜離羣庾樓磯畔葉紛紛尊鱸有信辭家易  
稻蟹無聊望歲殷南浦烟波雙槳去重陽風雨滿城聞  
蠡湖雁影迴翔遠待折疎麻寄楚雲

甘棠湖僧舍冬日海棠劉實作折枝圖

美人家傍水仙國湖雨湖烟凍如墨絳雪成團溼欲飛  
桃源弄影春相識愁向屏山看折枝海棠顛唱海棠詩

憑將貝葉三生夢占得風花兩度吹

將至彭澤阻雨寄呈家叔江州

也趁輕潮也趁風小孤山外雨濛濛計程若使勞臣叔  
錯料今朝見皖公

淮海

淮海懸高堰樓樓飛屬薪飛章三尺法沈竈兩河人白  
首歸難問黃樓捷有神宵衣眷民隱龜勉報君恩

瓜洲謠

瓜洲渡前一江塞有篷載米無篷石石防沈漏米防霉  
百丈牽船斷切都段無力欲行受凍停受鞭船公縮頭皆

不眠鄰船揚揚歸過年

除日抵家

尙喜歸帆健圍鑪話不眠若教遲永夕便是別三年裝  
薄嫌鄰問時乖仗母憐谿梅如笑我開負一枝先